

Pelican Paradise renova ona lisensa ambientál



Diretór Ezekutivu Pelican Paradise, Jeremiah Chan. Imajen TATOLI/Egas Cristovão

DILI, 22 janeiru 2021 (TATOLI)--Governu liuhosi Sekretaria Estadu no Ambiente (SEA) renova ona lisensa ambientál empreza Pelican Paradise Group, Lda, ne'ebé tuir planu atu halo dezenvolvimentu turíztiku iha rai ektare 558 ho investimentu millaun \$700 iha zona entre Tasi Tolu no Tibar.

“Ami apresenta ba Sekretaria Estadu Ambiente hodi rona planu ezekusaun projetu sira ne'e no husu duni renovasaun ba lisensa ambientál ne'ebé konsege renova ona,” Diretór Ezekutivu Pelican Paradise, Jeremiah Chan, informa iha ninia knaar fatin, Timor Plaza, sesta ne'e.

SEA emite dahuluk sertifikadu lisensa ambientál ba empreza Pelican Paradise iha loron 09 novembru 2018 no remata iha novembru 2020.

Antes ne'e, ekipa komisaun avaliasaun impaktu ambientál avalia ona dokumentu hafoin emite lisensa ambientál.

“Hafoin linsensa ramata, Sekretaria Estadu no Ambiente halo renovasaun ba tinan rua hahú 21 dezembru 2020 to'o 21 dezembru 2022, ho kategoria A,” Jeremiah Chan haktuir.

Governu liuhosi SEA husu ba empreza sira tenke kumpre dokumentu importante hanaran planu jestaun ambiente, ne'ebé akumulá planu hotu inklui metigasaun no asegura ambientál.

Empreza Malázia ne'e sei harii unidade otelaria, kampu golf, lote rezidensiál, sentru dezenvolvimentu ba joven sira, eskola internasionál ida, ospital ida no sentru komersiál